



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-419/19  
Vogošća, 09.05.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 09.05.2019. godine donio je

**ODLUKU  
O PONIŠTENJU POSTUPKA JAVNE NABAVKE RADOVA NA IZGRADNJI DISTRIBUTIVNE  
GASNE MREŽE U UL. SVRAKE IV (BOROVI), NA PODRUČJU OPĆINE VOGOŠĆA**

**Član 1.**

Poništava se Otvoreni postupak nabavke radova na izgradnji distributivne gasne mreže u ul. Svrake IV (Borovi), na području općine Vogošća broj: 07-14-419/19, jer primljena ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 11.04.2019. godine donio Odluku o pokretanju Otvorenog postupka nabavke radova na izgradnji distributivne gasne mreže u ul. Svrake IV (Borovi), na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.04.2019. godine pod brojem: 1353-1-3-89-3-61/19. Sažetak Obavještenja o nabavci objavljen je u "Službenom glasniku BiH" broj: 29/19 od 19.04.2019. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 06.05.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 06.05.2019. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Hik-net" d.o.o. Sarajevo, broj int. knjige 148/19, sa ponuđenom ukupnom cijenom nabavke u iznosu od 42.683,40 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-419/19 iz aprila 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Hik-net" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 3 (tri) lica, SSS mašinske struke-III stepen, smjer monter gasnih i plinskih instalacija.

Tačkom 7.4.2. pod b) TD je pored ostalih zahtjeva traženo da se kao dokazi za 3 (tri) lica, SSS mašinske struke-III stepen, smjer monter gasnih i plinskih instalacija dostave Diplome/Svjedočanstva o završenoj traženoj stručnoj spremi i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Hik-net" d.o.o. Sarajevo je u svojoj Ponudi propustio da dostavi ugovor o ustupanju radnika između KJKP "Sarajevogas" d.o.o. Sarajevo i firme "Hik-net" d.o.o. Sarajevo kao ponuđača u predmetnom postupku. Naime, za uposlenike KJKP "Sarajevogas" d.o.o. Sarajevo (Aljić Alem, Kapetanović Mirza i Kulović Šerif) dostavljene su Potvrde izdate od KJKP "Sarajevogas" d.o.o. Sarajevo (str. 30., 34. i 38. Ponude), iz kojih se vidi dužina radnog staža za gore navedene uposlenike i njihova stručna osposobljenost. Međutim, Komisija za javne nabavke smatra da je ponuđač bio dužan da u skladu sa Napomenom II iz tačke 7.4.2. pod b) TD kao dokaz o radnom angažmanu dostavi ugovor o djelu ili ugovor o poslovno tehničkoj saradnji.

Također, u Ponudi ponuđača (str. 35-37. Ponude) dostavljena je Diploma o završenoj Srednjoj stručnoj školi "Džemal Bijedić" Goražde, iz koje se vidi da je Kulović Šerif završio Srednju mašinsku stručnu školu i stekao zanimanje kvalifikovani zavarivač.

Komisija za javne nabavke smatra da je Ponuđač "Hik-net" d.o.o. Sarajevo propustio da dostavi Diplomu za smjer tražen tačkom 7.4.2. pod b) TD tj. jasno su zahtijevani radnici SSS mašinske struke-III stepen, smjer monter gasnih i plinskih instalacija.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jednog) kvalifikovanog vozača, SSS-III stepen obrazovanja saobraćajne struke-smjer vozač.

Ponuđač "Hik-net" d.o.o. Sarajevo je u svojoj Ponudi (str.39-42. Ponude) dostavio Svjedočanstvo o završnom ispitu izdato od Saobraćajnog školskog centra Sarajevo, kojim se dokazuje da je Kusi Kemal stekao zvanje kvalifikovani vozač putničkih i teretnih motornih vozila drumskog saobraćaja.

Također, ponuđač je u svojoj Ponudi (str.43-44. Ponude) kao dokaz o radnom angažmanu za radnika Kusi Kemala dostavio Ugovor o djelu broj: 44-IV/19, zaključen dana 15.04.2019. godine između ponuđača "Hik-net" d.o.o. Sarajevo kao Naručioca i Kusi Kemala kao Izvršioca posla. U članu 1. pomenutog Ugovora stoji da će Izvršilac obavljati poslove koji su predmet Ugovora u periodu 18.03.2019. godine do 15.04.2019. godine.

Uzimajući u obzir činjenicu da je Obavještenje o nabavci broj: 1353-1-3-89-3-61/19 objavljeno na Portalu javnih nabavki BiH dana 17.04.2019. godine, Komisija za javne nabavke smatra da priloženi Ugovor nije više validan, a iz razloga što je datum važenja Ugovora koji je nedvosmisleno naznačen u samom Ugovoru istekao prije objavlivanja predmetnog Obavještenja o nabavci.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji distributivne gasne mreže u

ul. Svrake IV (Borovi), na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Hik-net" d.o.o. Sarajevo
2. Nadležnoj Službi
3. U dosije
4. a/a

033/436-860



OPĆINSKI NAČELNIK

Edin Smajić